

Visoki predstavnik se sastao s ministrom vanjske trgovine i ekonomskih odnosa

Visoki predstavnik Valentin Inzko danas se sastao s ministrom vanjske trgovine i ekonomskih odnosa Mirkom Šarovićem u Sarajevu. Tom prilikom su razgovarali o ukupnoj političkoj situaciji u Bosni i Hercegovini. Sagovornici su također razmatrali trenutnu ekonomsku klimu u zemlji i glavne izazove sa kojima se BiH suočava u tom pogledu.

Tokom sastanka, visoki predstavnik je podstakao tijesnu saradnju između državnih i entitetskih vlasti u cilju najbolje iskorištenosti komparativnih prednosti Bosne i Hercegovine. Naglasio je nužnost za ekonomskim razvojem zemlje uz promoviranje političke reforme.

„Dogovori između strana su jedini način da se krene naprijed, nema druge alternative budući da će dugotrajan zastoj imati negativan utjecaj na percepcije o zemlji kako ovdje tako i u inozemstvu što, sa svoje strane, obeshrabruje ulaganja koja bi otvorila prijeko potrebna nova radna mjesta“, rekao je Inzko.